

ledich werde. 56 § 1. oc mach de man gvt vntfan mit ener vrowen so dat he se an dem gvde voresta vnd volge dar mede an enen anderen herren of ir herre sterve dat ir de volge nicht ne (tǔstat wen)te se des herschild(es darvet). de man hevet den (herschilt) vnd de gewere von (der vrowen) half an deme gvd(e. dvrch dat) hevet he de volge (dar an). 56 § 2. stirft aver de vro(we von der) halven he de gew(ere hevet) an deme gvde sin (lenvnge he)vet ende de he tǔ (vormvnt)schap vntfenc i(me ne si recht) len dar an gelegen.

(CCCCIII).

56 § 3. Swe mer lenvn(ge segit) an gvde dat (man manli)ke liet dan hir v(ore gesegit) is de segit vnrecht(te it si man) oder wif. 56 § 4. let ok d(e vrowe ire) gvt vp oder wir(t it ir mit) lenrechte vordel(it iene ne) hevet dar nicht (an de it) mit ire vntfenc. (let aver het) oder wirt it ime (mit lenre)chte vordelit se n(e vorlvsit) dar mede nicht v(mme dat se in) den geweren sit. (len ne) mach he ok nich(t dar an) bereden weder de(r vrowen) willen ane dat i(ne verlegen) ane cvmt vnd da(r he mit) lenrechte tǔ ged(wungen wirt. dat i)s der vrowen ledich (vnde) nicht deme herren (noch deme) manne de dat (mit ir vn)tfenc. 56 § 5. gedinge (an verlegenem)e gvde mach he ver(lien mit de)r vrowen willen (vnd swat d)ar ledich an wirt (dvrch dat) se beyde en vullen (recht heb)ben mit samender (hant an de)me gvde vntfan(gen. he he)vet de lenvnge vnd (den herschi)lt so hevet he de (selve lenvn)ge vnd de gewere.

CCCCV.

57 § 1. (Liet en) herre (wiv)e oder manne ge(dinge an) enes mannes gv(de stirft i)ene dar na de it (in gew)eren hevet de (gewere de)s gvdes is irstor(ven vppe) den deme dat ge(dinge dar) an gelegen was. (er was it) sin len vnder ge(dinge v)nd vnder deme besce(de of de an)e lenerven storve (de it in) geweren hadde do (he starf do) was it sin len (svnder gedin)ge deste hes deme (herren inne)re of hes nicht ne (bekant bin)nen siner rechten (iartale m)it twier manne ge(tivge de de l)envnge sagen vnd horden do het ime ane gewere lech.

CCCCVI.

57 § 2. Swenne en stirft ane erven de it gvt in den geweren hevet de herre mǔt is sic wol vnderwinden of hes sic nicht versint dat he dat gedinge ieneme dar an gelegen hebbe. 57 § 3. vnderwint is sic oc iene dem en wardvnge dar an gelegen is er deme herren he ne missedǔt nicht deste het tǔ hant voresta vnd sin recht dar an berede iegen sinen herren swenne he ine dar vmme schvldeget oder dar vmme bedegedinget. nener iartale ne schal he dar mede beden wen also he sine iartale mit sinnene lent also kort se de herre of he ime dar von recht bivt.

CCCCVII.

57 § 4. Stirft en herre oder lied he vppe sines mannes gǔt binnen der iartale als it dem manne an irstorven is vnd deme herren der lenvnge inneren schal he volge sime gvde nicht vor en gedinge mer vor en recht len also he an ine mit rechte ge-.
